

OLUTALO LW'OMWOYO

Olutalo lw'Omwoyo: Eby'okusomako

Eby'okuwandiika —

EKIBIINA #1:

- I. Enyanjula y'essomo.
- II. Ebyetaagisa mu lutalo:
 - A. Olutalo luleeta ebyetaago bingi.
 - B. Obwetaavu bw'obumu.
 - C. Obwetaavu bw'obuwulize.

EKIBIINA #2:

- II. Ebyetaagisa mu lutalo:
 - D. Obwetaavu olw'okubonabona ne sadaaka.
 - E. Obwetaavu olw'okuddamu amaanyi n'okwewaayo.
 - F. Obwetaavu okumanya omulabe.
- III. Ebikozesebwa n'ebyokulwanyisa by'omuserikale:
 - A. Ebintu ebikulu mu kwetegekera olutalo lw'Omwoyo.

EKIBIINA #3:

- III. Ebikozesebwa n'ebyokulwanyisa by'omuserikale:
 - B. Ebikozesebwa okwetaasa mu lutalo olw'Omwoyo.

EKIBIINA #4:

- III. Ebikozesebwa n'ebyokulwanyisa by'omuserikale:
 - C. Ebikozesebwa okulumba mu lutalo olw'omwoyo.

EKIBIINA #5:

- IV. Obumanyirivu bw'omuminsani n'olutalo olw'omwoyo.
Ekigezo.

OLUTALO LW'OMWOYO

Olutalo lw'Omwoyo: Ekigezo

Eby'okuwandiika —

Obubonero 20 Bwoyinzira Okufuna mu Bibuuzo Bino

- 1) Yogera ku kyetaagisa obumu mu lutalo olw'omwoyo (emp. 272,273).
- 2) Kyakwetaasa ki ekisinga obunene eky'abyonna mu lutalo olw'omwoyo (olup. 283).
- 3) Kozesa Mat 4:4-10 okulaga engeri okukozesa ekigambo kya Katonda gyekifuula omuserikale Omukristaayo okubeera owa maanyi era eyeyongera amaanyi (olup. 287).

Obubonero 10 Bwoyinzira Okufuna mu Bibuuzo Bino

- 1) Sitani ali mu kulumba oba mu kwetaasa? Julizayo ekyawandiikibwa kimu muky'okuddamu kyo (olup. 274).
- 2) Kyakulwanyisa ki ekisinga obukulu mu kwekuuma n'okwetaasa okw'omuserikale Omukristaayo (emp. 277, 278)?
- 3) Emirimu ena egisinga obukulu okuzimba obulamu bw'Omukristaayo okuba obwa maanyi gye giriwa? Juliza yo ekyawandiikibwa kimu (olup. 279).
- 4) Nyonyola omugaso gw'obutukuvu olw'obulamu bw'omuserikale Omukristaayo nga okozesa Mat 5:8 (olup. 282).
- 5) Nyonyola ekigambo "okumeggana" mu Bef 6:12 (olup. 284).
- 6) Kozesa ekyawandiikibwa kimu okulaga engeri obuweereza obw'okuwonyezebwa gye bukwatagana n'Omwoyo Omutukuvu (olup. 289).

OLUTALO LW'OMWOYO

I. Enyanjula y'essomo.

A. Olutalo lw'Omwoyon n'Okubuulira Enjiri.

1. Sitani kyakyaawa mu bintu byonna kwe kubunya enjiri. Okubunya enjiri ky'ekintu ekikyusa byombi abantu (abo bakyaawa), ate n'okukomyawo obwakabaka bwa Katonda (bwakyaawa ate okusingawo ennyo).
2. Nolwekyo, olutalo lw'omwoyo n'okubuulira enjiri bulijjo bigendera wamu. Abaminsani oba abatume abatetegeka lutalo lwa mwoyo, beteeka mu kabenje kanene nnyo. Abaminsani/abatume abetegese okulwaana olutalo olw'omwoyo bayinza okukozesebwa olw'obuwanguzi obwa maanyi.

Eky'okulabirako Ky'omuwindiisi

Eno'y'ebbaluwa eyava ew'omuminsani/omutume eyakolera mu bibira bya New Guinea. Ebigambo bino yabiwandiikira mikwano gye abaali eka:

Bannange, kirungi nnyo okuba mu buziba bw'olutalo, okuwalula emundu za namukadde Sitani eza maanyi ennyo, okubeera naye nga akunyigiriza, akumalamu amaanyi, oyogerwako bubi, n'endwadde. Tamala biseera bye na baalunguuba. Alwaana na maanyi omuntu bwaba nga amukuba. Osobola bulijjo okupima obuzito bw'ekikonde kyo ng'osinziira kw'ekyo kyokubwa. Bwoba nga omusujja gukuli bubi era nga owereddemu ddala amaanyi, abamu ku bobuulidde enjiri ne balokoka ate ne badda ennyuma, bwokitegeera nti n'abo bobadde osuubiriramu okukuyamba bakubuzabuza bubuzabuza, ebbaluwa zo nga zikwaatiddwa, era nga n'abamu tebafaayo kuddamu bbaluwa zobawandiikirira, ekyo kye kiseera ky'okukaaba? Nedda sebbo. Ekyo kye kiseera ky'okubivaako byonna ebinakuwaza olekaane nti Aleruuya. Sitani abeera akubwa wonna. Eggulu liba lyo liri bali nga litunula. Sitani anayinza okukigumiikiriza? Eggulu bweliraba ali naffe, bweliraba obugabirizi obutakalira, obugabiriza obungi, bweliraba obutasoboka bw'okulemererwa, nga linaggwaamu nnyo amaanyi bwetunabivaako. Ekitiibwa kidde eri Katonda! Tetugenda kubivaako.

Sa Munno Eky'okulabirako Kyo:

Eby'okuwandiika —

OLUTALO LW'OMWOYO

Eby'okuwandiika —

B. Ebiri mu Somo Lino.

Omuuwandiisi Kyakyogerako:

Tuli mu lutalo lwa mwoyo. Tujja kugezaako, mu ssomo lino okwetegekera olutalo olwo. Tujja kugezaako okuyiga engeri enetufuula abaserikale ba Kristo, Omuduumizi waffe.

1. Essomo lijja kugabanyizibwamu ebitundu bisatu:
 - a. Ebyetaagisa mu lutalo.
 - b. Eby'okulwanyisa n'ebyambalo by'omuserikale.
 - c. Obumanyirivu bwa baminsani bwenyini.
2. Okuyita mu ssomo lyonna kiteeka mu ndowooza nti okwenyigira mu lutalo olw'omwoyo kikulwa kyetaagisa nnyo eri Abakristaayo bonna, naye okusingira ddala abaminsani/abatume. Mazima, kikulwa ekyetaagisa eri buli muntu ayagala okuyingira amatwaale g'omulabe olw'okubunya enjiri.
 - a. Ku nkomerero y'essomo lino tujja kuleeta ku ebyo ebikoleddwa abaminsani okubyogerako mu kibiina ku bikwaata ku bimu ku bikolwa by'olutalo lw'omwoyo.
 - b. Emirundi mingi abaminsani baba nyo mu lutalo lw'omwoyo okusinga abantu abalala lwa nsonga biri enkulu:
 - 1) Baba mu lutalo era balumbibwa emirundi mingi nyo.
 - 2) Mu bitundu by'okubuuliramu enjiri bingi (mu byaalo ne mu bifo ebikyaali emabega), amaanyi ga Sitani galabika nnyo. Obusamize n'okusinza bakatonda abalala kifuula olutalo okubeera olurabikira ddala okusinga bwekiri mu nsi za Bazungu.

OLUTALO LW'OMWOYO

II. Ebyetaagisa mu Lutalo.

Eby'okuwandiika —

A. Olutalo Luleeta Ebyetaago Bingi.

1. Amazima g'olutalo.

a. Newankubadde nga engeri y'Obukristaayo yaffe "ey'okwagala eby'emirembe" eyinza obutakitegeera, waliwo olutalo olw'omwoyo olugenda mumaaso. Olutalo luno lwa mazima era terukoma. Lupyari obulamu bw'Abakristaayo bangi abatambulira mu bulamu obwagala eby'eddembe. Lukwaatagana n'ekyo Paulo kweyagamba nti, "Bonaboneranga wamu nange ng'omulwany omulungi owa Yesu Kristo" (2 Tim 2:3).

b. Mu ngeri emu, kisoboka Omukristaayo okwewala olutalo luno. Bwaba nga talumba mulabe, olw'ono ayinza okusobola okubeerawo (akaseera) ng'omuntu ali mu kiseera awatali lutalo. Nay'ate, omulabe ajja kumuwangula kubanga teyetegeese.

1) Nga omuserikale Omukristaayo, buli mukkiriza yetaaga okusalawo okwenyigira mu lutalo lw'omwoyo. Ekiruubirirwa kyaffe kirina kuba kya kusanyusa Muduumizi waffe.

2) Wuliriza ebigambo bya Paulo (2 Tim 2:4):

“Tewali mulwany bwatabaala eyeyingiza mu mitawaana egy'obulamu buno, alyoke asiimibwe eyamuwandiika okuba omulwany.”

2. Ekitundu kino kituleetera okukkiriza amazima ag'olutalo olw'omwoyo era kiwa olukalala lw'ebimu ebikulu ebyetaagisa amazima gano bye gateeka ku buli Mukristaayo.

Eky'okubaganyako Ebirowoozo

Yogera ku kyandibaddewo singa obadde obeera mu kitundu awali olutalo olw'ensi nga lugenda mumaaso, naye nogezako okulunyooma era n'obeerawo nga atamanyi nti gyeluli. Kiki ekibeerawo Abakristaayo bwe bakola ekintu kyekimu ekikwaata ku lutalo lw'omwoyo?

OLUTALO LW'OMWOYO

Eby'okuwandiika —

B. Obwetaavu bw'obumu.

1. Engeri enkakafu eri eggye lyonna okulemwa olutalo kwekuba nga eggye eryo lyeyawuddemu. Nga Yesu bweyagamba, "Nennyumba bweyawukanamu yo yokka ennyumba eyo teriyinza kuyimirira" (Mak 3:25).
 - a. Mu bumu mulimu amaanyi (laba Mub 4:9-12).
 - b. Entegeka ennungi mu lutalo kwe kwawulamu omulabe.
 - 1) Sitani akozesa nyo entegeka eno eri omulabe we, Ekkansa.
 - 2) Eky'omukisa omubi, Ekkansa tetere kuziyiza kino.
2. Mu ntalo mwetulabidde obumu mwabo ababadde batayinza kutabagana mu ngeri ndala yonna.

Eky'okulabirako Kyomuwandiisi:

America ne Russia bali omu mu Sematalo I ne Sematalo II. Abalabe, abali batayinza kutabagana mu ngeri ndala yonna, bafuna obumu mu lutalo.

Sa Muno Ekyokulabirako Kyo:

OLUTALO LW'OMWOYO

- a. Obukuubagano mu Bakristaayo oluusi, kyekiva mu butategeera lutalo lwa mwoyo oluliwo wakati wa Sitani n'Ekanisa.
- b. Emirundi mingi tukiraba nti olutalo weruli, Abakristaayo bakisanga nga kyangu okwegatta.

Eby'okuwandiika —

Omuwandiisi Kyakyogerako:

Enono eno ey'obumu kye kimu ku bintu byenasooka okwetegereza ng'omuminsani. Waaliwo okwegatta kungi mu bika bya Bakristaayo ab'enjawulo. Bali tabalina kyakola. Olutalo nga lubasemberedde ddala. Abakristaayo ne balaba engeri buli omu gyeyali yetaaga ennyo munne.

Enono eno y'emu esobola okulabika wakati mu bifo by'okuyiganyizibwa. Abakristaayo abali mu kuyiganyizibwa tebatera kufuna buzibu na bumu.

- c. Tuyinza okugamba nti mu lutalo wabaawo ekyetaago ky'obumu, era obumu obwo bulaga nti olutalo kati lutegeerekeka bulungi.

Eky'okubaganyako Ebirowoozo

Ani mulabe wo? Amakkanisa amalala agakula oba amakkanisa g'Abakristaayo agalina enjigiriza ey'enzikiriza ey'enjawulo, obalaba nga abalabe bo? Kiki ekinabaawo singa tunasuula eri enjawukana zaffe ne twegatta okuwakanya okukola kw'omulabe Sitani?

C. Obwetaavu bw'Obuwulize.

1. Ekisingira ddala okukwaatagana n'ekyetaago ky'obumu, kye kyetaago ky'obuwulize. Omulembeze w'eggye tayinza kuba nga awangula okujjako nga abaserikale be bagoberera ebiragiro bye.
2. Sitani ategeera enono eno. Akitegeera nti tayinza kulaba mukisa kuwangula nga abaserikale ba Kristo bamugondera.
3. Obuwanguzi businziira ku nkolagana yaffe n'Omwoyo ng'atukulemba. Tebwesigamye ku kulemererwa kwa Sitani. Bwesigamye ku kkanisa okuwuliriza omuwanguzi (Yesu Kristo). Emikono gya Sitani misibe. Bwetugonda, tewaliwo kyayinza kukola kutulemesa.

OLUTALO LW'OMWOYO

Eby'okuwandiika —

4. Nekiba nti, ng'Abakristaayo tulina kulumba. Sitani ali mu kwetaasa.
- a. Wetegereze nti mu Mat 16:18 Yesu ajuliza EMIRYANGO.gy'emagombe. Emiryango giraga kwetaasa. Entegeka ye yokka kwe kugezaako okuba nga atukozesa okwewangula ffeka.
 - b. Sitani agezaako okutukozesa okwewangula ffeka nga:
 - 1) Atulemesa okutegeera amazima g'olutalo olutwetolode (nga atuwa okumatira kw'obulamu obw'omubiri n'omwoyo).
 - 2) Ng'asitula okwawukana wakati mu ggye lya Katonda.
 - 3) Nga asitula obutagondera Muduumizi wa ggye.

Eky'okubaganyako Ebirowoozo

Kiki ekituuka ku bajaasi abagaana okugondera ekiragiro ky'omuduumizi waabwe ng'abagambye okulumba omulabe waabwe mu lutalo? Kwaataganya endowooza eno ku bulamu bw'Omukristaayo era okyogereko.

D. Obwetaavu bw'Okubonabona ne Sadaaka.

1. Lwaki omuserikale atekwa okubonabona? Kubanga ali ku **MULIMU GWENYINI** (laba 2 Tim 2:3, 4).

Omuwandiisi Kyakyogerako:

Olutalo terusanyusa, Abaserikale tebaliira ku sowani za beeyi. Tebebaka mu bisenge birimu byuuma biwujja mpeewo na kulabirirwa awamu ne zi T.V.

- a. “Olutalo geyeena” ng'omuduumizi omu bweyagamba. Eri Omukristaayo, olutalo kwekumeggana ne geyeena.
- b. Olutalo teruvaamu bulamu bulungi (laba Luk 6:24-26). Luvaamu kubonabona na sadaaka (laba 2 Tim 3:12). Eno ye nsonga ya Paulo gye yayagala okututegeeza mu 2 Tim 2:3, 4.

OLUTALO LW'OMWOYO

2. Kino kitegeeza ki okusenziira ku bulamu buno bwetulimu? Eggwanga eririna olutalo likozesa litya sente zaalyo? Lizikozesa mu kwesanyusa? Oba mwebyo byokka ebyetaagisa mu lutalo?

Eby'okuwandiika —

Omuwandiisi Kyakyogerako:

Tekijja kuba kipya okuwulira omutuuze w'eggwanga ali mu lutalo ng'agamba nti, "Tulina okuwaayo sadaaka kati kubanga tuli mu lutalo." Kinaaba kitya ffe Abakristaayo bwetunabeera era netwogera ebigambo bwebiti.

3. Omuntu omu lumu yagamba nti okukkiriza okutasasuddwa muwendo kuba tekulimu kantu konna.
- a. Enjiri ya buwa. Tetusobola kusasulibwa kuyingira mu muggulu. Song'ate kya muwendo kubanga tugezaako okukuuma ekitali kyaffe. Tugezaako okwenywereza ku bulamu bwaffe n'okwegomba, mukifo ky'okubiteeka wansi olw'olutalo. Abalwanyi balina okubonabona. Eyo y'engeri y'olutalo.
 - b. Paulo yagamba nti ye okuba omulwanyi kyaali kyetaagisa olwebyo byeyabonabonamu (laba 1 Kol 4:9-13 ne 2 Kol 11:23-28).
 - 1) Wetegereze engeri Paulo gyeyazaamu abalwanyi Abakkolinso amaanyi (nga bweyazamu Timoseewo amaanyi mu 2 Tim 2:3, 4) okumufanana (1 Kol 4:16).
 - 2) Tulina okwebuuzza, "Tugoberera Paulo eyagoberera Yesu Kristo? Tuli mu bulamu obw'abalwanyi abali mu lutalo oba tuli mu bulamu bwa bantu abatali balwanyi abatali mu lutalo? Jukira, abalwanyi bokka be bafuna emidaali. Abantu abatali balwanyi batendereza butendereza balwanyi!

Eky'okubaganyako Ebirowoozo

Yogera ku nono ya sadaaka n'okubonabona nga olutalo luyinda nga bwekikwaatagana n'engeri y'obulamu bwaffe awamu n'obuwanika mu bulamu bwaffe obwa bulijjo.

OLUTALO LW'OMWOYO

Eby'okuwandiika —

E. Obwetaavu bw'Okuddamu Amaanyi n'Okwewaayo.

- 1. Omusirikale yewaayo eri omukulu we era n'eri abaserikale abalala. Bwaba nga teyewaddeyo, olwa ajja kutabulwatabulwa.
 - a. N'olwekyo, Paulo yagamba Timoseewo obutenyigiza mu mitawana gya bulamu buno” (2 Tim 2:4).
 - b. Omuserikale Omukristaayo alina okukuuma amaaso ge nga gatunulidde Mukama we (Beb 12:2). Tukiraba nti mu ky'okuyiga ekiri mu Beb 12:2 era tubuulilirwa okuba nga twambula buli ekizitowa, n'ekibi ekitwegattako” (12:1).
 - 1) Newankubadde ensi egamba nti kya buggwi bwa ddalu, Omukristaayo omuserikale alina okuba n'emeeme emu.
 - 2) Talina kuba nga akyuusibwakyuusibwa mu mpuliziganya ye ne Mukama we (laba Nge 3:5, 6).
- 2. Omuserikale aba muvumu. Talina kudduka ng'omulabe atandise okumusemberera. mu byambalo by'eby'okulwanyisa bye temuli kitaasa mugongo gwe (laba Bef 6:13-18) tewali kutaasibwa kwonna ng'ozze emabega kubanga okudda emabega tekikikirizibwa.
 - a. Mazima oba nga Bar 8:37, Bar 8:31, Baf 4:13, 1 Yok 5:4, ne Yak 4:7 byonna bituufu, olwo tewaba nsonga ya kudda mabega
 - b. Omukristaayo omuserikale asaanira bwaba nga tatunula mabega (Luk 9:62).

Eky'okubaganyako Ebirowoozo

Yogera ku nkolagana eriwo wakati w'okuddamu amaanyi n'obwesige mu Mukama. Tusitula tutya era twongerera tutya amaanyi gaffe?

Omuwandiisi Kyakyogerako:

Waliwo era Obwetaavu obw'Okumanya Omulabe Waffe. Essomo lya MOTMOT eriyitibwa, **Bamalaika n'Emizimu** litulaga omugaso gw'okubeera nga tutegeera omulabe. Obutamanya bukutwaala mu kuzikikirira. Tulina okumanya omulabe waffe n'amakuubo ge tusobole okuba nga twetegese okulwana naye.

OLUTALO LW'OMWOYO

III. Ebikozesebwa Nebyokulwanyisa By'omuserikale.

Eby'okuwandiika —

Omuwandiisi Kyakyogerako:

Twayitibwa kulwana mu lutalo (2 Kol 10:3-5). Okubeera Omukristaayo kwe kubeera omulwanyisi. Naddala eri abo Abakristaayo abali mu Bukristaayo mu nsi za Bazungu, ebiseera ebimu kino kizibu okutegeera.

Tulina okwetegereza ebimu ku bigambo Paulo bye yakozesa mu 2 Kol 10:3-5. Akozesa ebigambo nga **OLUTALO, EBY'OKULWANYISA, OKUMEGANA, OKUZIKIRIZA, N'OKUWAMBA.**

Kino tekiwulikika nga ekiseera eky'emirembe. Kiseera kya lutalo!

A. Ebyetaagibwa olw'Okweteekerateekera Olutalo lw'Omwoyo.

1. Tetuyinza kutandiika kwogera ku lutalo lwa mwoyo okujjako nga tutegedde era nga tukkiriza amazima ga Baibuli nti tuli mu lutalo. Omulabe gyaali era alumba. Wewaawo, kiseera kya lutalo era twayitibwa okubeera abalwanyisi mu lutalo olwo.
2. Omuserikale bweyetegeka olw'olutalo ayambala eby'okulwanyisa.
3. Omuserikale bwagenda mu lutalo atwaala ebikozesebwa bye.
4. Mu lutalo, omuserikale Omukristaayo akitegeera nti akiikirira eggwe erifuntula era eriwanguzi.
5. Omuserikale Omukristaayo alina okukitegeera nti olutalo lwe lulimu byombi okwetaasa n'okulumba.
 - a. Okulumba.
 - 1) Okusenziira ku Ndagaano Empya, Abakristaayo balina obusobozi bw'okugoba emizimu (laba Mak 16:17).
 - 2) Ekikozesebwa ekisinga obukulu mu kulumba, kye kigambo ky'okulagira mu linnya lya Yesu.

OLUTALO LW'OMWOYO

Eby'okuwandiika —

- b. Okwetaasa.
 - 1) Abakristaayo era balinawo obusobozi bw'okuba nga balumbibwa Sitani (laba 1 Pet 5:8, 9).
 - 2) Eky'okukozesa ekisinga obukulu mu kwetaasa bwe bulamu bw'omukristaayo obwa mazima era na maanyi.

Omuwandiisi Kyakyogerako:

Ebitundu ebiddako bitulaga byetukozesa olw'okwetaasa n'okulumba mu lutalo lw'omwoyo.

Eky'okulwanyisa kyaffe ekisingira ddala obukulu mu kwetaasa: Obulamu Obukristaayo obwa maanyi.

- Obulamu Obukristaayo nga bwe busangibwa mu Bik 2:42.
- Obutuukirivu n'obutukuvu.
- Okukyaawa obulamu bwo ggwe.

Eby'okulwanyisa ebisingira ddala obukulu mu kulumba:

- Ekigambo kya Katonda.
- Obuyinza bw'omukkiriza.
- Erinnya lya Yesu Kristo.

B. Eby'okulwanyisa by'okwetaasa mu lutalo lw'omwoyo.

- 1. Obulamu Obukristaayo obwa maanyi (okusinziira ku Bik 2:42).

Eky'okulabirako Ky'omuwandiisi:

Omutendesi w'emizanyo omulungi amanyi nti okulumba okulungi kusinziira ku kwekuuma okulungi. Obukuumi bw'Omukristaayo obusinga obulungi bwe bulamu bwe obw'Ekikristaayo.

Sa Muno eky'okulabirako Kyo:

OLUTALO LW'OMWOYO

Eby'okuwandiika —

- a. Okusenziira ku Bik 2:42, waliwo eby'okukola bina ebikulu mu kuzimba obulamu bw'Omukristaayo obwa maanyi
 - 1) Enjigirizaennungi n'okuyiga Baibuli.
 - 2) Okukungaana.
 - 3) Okumenya Omugaati.
 - 4) Okusaba.
- b. Enjigirizaennungi n'okuyiga Baibuli.
 - 1) Mu kiseera ky'olutalo, obutamanya tebujaawo nsonga. Mu kiseera ky'olutalo, obutamanya kuba kwetta. Omulabe taja kuwuliriza kwewolereza kwo, "nti samanya".
 - 2) Enjigiriza entuufu efanana n'ejinja ly'omusingi gw'ekisenge ky'enkambi.
 - 3) Okuyigiriza Baibuli, okuyiga Baibuli, n'okusoma Baibuli bikolwa ebyetaagibwa ennyo mu bulamu bw'omuserikale Omukristaayo. Awatali ebyo taja kusobola kuba nga yetegese okwetaasa.
- c. Okukungaana.
 - 1) Waliwo amaanyi mu bantu abangi (laba Mub 4:12). Waliwo amaanyi mu kwegatta. Waliwo obunafu mu kubeera wekka n'okweyawula.
 - a) Omuserikale eyeyawula ku kibinja kye mu lutalo ye musirikale abeera mu kabi akanene.
 - b) Ekyo kya mazima n'eri abaserikale Abakristaayo. Sitani baasinga okukwaasa amangu be Bakristaayo abatakungaana.
 - c) Nolwekyo mu 1 Kol 5:5 tusoma mu ky'okuyiga eky'obutassa kimu na muntu ali bwatyo, "okumuwaayo eri Sitani."
 - 2) Obumu ku bukuumi obwa maanyi eri omuserikale Omukristaayo bwe bumu n'abaserikale Abakristaayo abalala. Togezaako kulwana lutalo wekka. Jukira ekanisa eyitibwa eggwe lya Katonda, so si musirikale wa Katonda.

OLUTALO LW'OMWOYO

Eby'okuwandiika —

- d. Okumenya Omugaati.
 - 1) Amasakalamento.
 - a) Eky'eggulo kya Mukama waffe n'okubatizibwa bizaamu obukuumi bw'omuserikale Omukristaayo amaanyi.
 - b) Amasakalamento gakuwa engeri omuserikale gyayinza okufanana Mukama we. Asobola okulaga obusobozi eri mukama we oyo. Bwakola ekyo aba anyweza okwewaayo kwe, era n'olwekyo, obukuumi bwe ye.
 - 2) Amakulu g'Okusembera (Wukalisitiya).
 - a) Wukalistiya—eky'eggulo kya Mukama—kitegeeza okwebaza kikutwala eri ebikolwa by'okutenderereza n'okusinza.
 - b) Okutendereza n'okusinza bitundu bikulu nyo mu bukuumi bw'Omukristaayo. Sitani n'emizimu gye tayinza kukyebeera kuwulira era nasigala wakati w'okusinza Katonda.
 - (1) Lowooza kyekitegeeza mu Kuv 17:8-13 ku kikwaatagana ku nsonga eno.
 - (2) Era lowooza ku byakolebwanga mu Ndagaano Enkadde eby'okutumanga Yuda (kutendereza) okukulembera (laba Kuv 2:3, 9).
- e. Okusaba.
 - 1) Omuserikale Omukristaayo atasaba afanana n'omuserikale asalako emikuttu gye wafunira.
 - 2) Okusaba kw'ebyawandiikibwa kukola nyo mu lutalo lw'omwoyo.
 - a) Wano omuserikale Omukristaayo aba asaba kigambo kya Katonda eri Katonda, oba aba yekugira eri omubi oba ebikemo.
 - b) Kozesa Baibuli okusaba ebisuubizo, obukuumi awamu n'amaanyi.
 - 3) Okusaba n'ebigambo by'ebyawandiikibwa bya maanyi nnyo era bikakafu bulungi okusinga ebigambo byaffe. Mu ddungu ly'okukemebwa, tulaba Yesu ng'akozesa ekigambo kya Katonda ng'ekitala ky'obukuumi (Mat 3).

OLUTALO LW'OMWOYO

Eky'okulabirako Ky'omuwandiisi:

Mu masekati g'okulumbibwa emizimu, omuserikale Omukristaayo ayinza okukozesa Bef 1:18-21 ne 1 Yok 4:4 okuba ng'asaba:

Katonda wange omwagalwa asukulumye bakatonda abalala bonna, oli wa maanyi gwe ali mu nze okusinga oyo ali muni. Oli wa maanyi. Omulabe awanguddwa. Mbikulira obunene bwa maanyi go obusukulumye agali mu nze. Nangirira nti amaanyi agali mu nze ge maanyi ge gamu agasukulumye obufuzi bwonna n'obuyinza n'amanyi n'obufuzi, na buli linnya eryatulwa, si mu mulembe guno gwokka, naye era ne mwegyo egigenda okuggya. Ku musingi gw'obuwanguzi bwa Yesu nfuna obukuumi bwo n'obuwanguzi eri amaanyi g'emizimu. Mu linnya lya Yesu nsabye Amiina.

Sa Muno Ekyokulabirako Kyo:

2. Obutuukirivu n'obutukuvu.

a. Ky'oli n'engeri gyobeeramu.

- 1) Entegeka y'olutalo lw'omwoyo ya mazima nyo okusinga okugoberera emiteeko gyebiragiro daala ku daala..
- 2) Okuwangula mu lutalo lw'omwoyo kisinziira ku ali mu lutalo era ngeri omuntu oyo gyabeera yetegese mu bulamu bwe!

Eby'okuwandiika —

OLUTALO LW'OMWOYO

Eby'okuwandiika —

- 3) Yiga Bik 19:15.
 - a) Nga batabani ba Sukewa omusanvu bwebakizuula nti, okukozesa obukozesaerinnya lya Yesu tekiwa muntu kisanyizo kugoba muzimu.
 - b) Ebigambo ebituufu nga tebyogeddwa muntu mutuukirivu biba tebigasa. Tebyesigamye ku bufuusa. Byesigamye ku nkolagana yo ne Yesu. Enkolagana eyo bweba teriwo olwo ebigambo tebijja kukola.
 - c) Tuyinza okumaliriza okuva mu lugero luno nti obusobozi bw'okugoba omuzimu businziira ku kirungi ekiri mu bulamu bw'omuntu oyo agoba (tugambe obutuukirivu n'obutukuvu). Tulina okumanya Yesu n'okubeera mu kutabagana Naye okubanga asobola okukozesa obulamu bwaffe mu ngeri eno.
- b. Obutuukirivu (laba Bef 6:14).
 - 1) Obutukirivu bulinga eky'omukifuba. Kyakulwanyisa kya maanyi kyetukozesa okwetaasa eri omulabe. Kitukuma.
 - 2) Obulamu obutuukirivu bukirizisa Omukristaayo okuyingira amatwaale g'omulabe mu buvumu. Atuukiridde mu maaso ga Katonda, n'olwekyo asobola okufuna okuva eri Katonda ekyo ekyetaagibwa olw'obuwanguzi.
 - 3) Ku luda olulala, Abakristaayo abatagunjuddwa tebaba baserikale abakola obulungi. Abo abalina eno enjala n'enyonta eby'ebinyumu okusinga obutuukirivu basigala tebalina bukuumi, era nga bayinza okuba mu kabi k'okuwangulwa omulabe (era lowooza ku biri mu 1 Kol 9:27).
- c. Obutukuvu (laba Mat 5:8).
 - 1) Ekitundu ekisingira ddala obukulu mu kwetaasa kw'Omukristaayo, bwe busobozi bwe obw'okwawula ekirungi n'ekibi, Sitani ne Katonda.
 - 2) Obutukuvu busobozesa Omukristaayo okulaba Katonda n'olwekyo yawula wakati w'obulungi n'obubi. Okwawula kyetaagibwa nyo mu lutalo lw'omwoyo naddala nga bwetuwangana n'omulabe mukama w'okwefuulafuula n'obulimba.
 - 3) Era tulina okulowooza ku butukuvu bw'ebigendererwa ekitusindika mu lutalo lw'omwoyo.

OLUTALO LW'OMWOYO

Eky'okubaganyako Ebirowoozo

Eby'okuwandiika —

Tunoonya kwenyigira mu lutalo lwa mwoyo kubanga lusanyusa? Twegombanyo okuwulira amaanyi okusinga ekitiibwa kya Yesu? Twagala abalala batulabe nga abasajja ba Katonda aba maanyi abalina obuyinza ku mizimu, oba twagala abalala okusumululwa n'okulaba amaanyi ga Kristo? Ebirubirirwa byaffe ki?

Yiga 1 Kol 9:27, Oluvanyuma odemu buli kibuzo nga oyita mu lunyiriri olwo. Tulina okwewala amalala mu lutalo lw'omwoyo. Ekitiibwa kirina kudde eri Katonda yekka.

3. Obukuumi obusingira ddala mu byonna kwe kwefiriza.

a. Omuntu afudde tayinza kutibwa.

1) Omukristaayo eyefiriza era nawaayo ebintu byonna eri Kristo aba n'obukuumi obulungi eri omulabe.

- a) Sitani alemesebwa n'Abakristaayo abewonze, abewaddeyo n'abefiriza.
- b) Sitani kyakozesa nga ekisinga obukulu okukulwanyisa ye ggwe wenyini. Akozesa obukodo bwo nga omutege. Omukristaayo bwakulemberwa obulamu bw'okwefiriza ajawo eky'okulwanyisa ky'omulabe ekisinga obukulu.

2) Soma Beb 2:14, 15.

- a) Sitani talina maanyi bw'aba nga tasobola kufuna mukisa ku maanyi ga kufa.
- b) Abakristaayo abamaze okufa baba tebatya kufa, kubanga bo benyini bafu. N'olwekyo, Sitani aba talina kyakozesa mu kulwana.

3) Kizibu nyo okukanga omuntu nga okukanga kwewandimukanze (okumutta) tekumukanga nakamu (laba Baf 1:21).

- b. "Okukyaawa obulamu", tekiggya buggya ku Sitani bya kulwanyisa bye, naye kituwa obuyinza ku BY'OKULWANYISA EBY'EKYAAMA ebyakozesebwa Yesu yenyini: OKUKYAAWA OBULAMU.

OLUTALO LW'OMWOYO

Eby'okuwandiika —

- 4. Tusobola okumaliriza nga twetegereza ebikwaata ku byetukozesa okwekuuma nga tuyiga Bef 6:10-18.
 - a. Olugero luno luwumbawumbako ebyo byonna bwe twogedde. Lumaliriza obukuumi bw'Omukristaayo nga butulagira ddala eby'okulwanyisa by'Omukristaayo.
 - b. Tulina okwekanya obukakafu Paulo bwateeka ku by'okulwanyisa byonna ebya Katonda (oluny. 11, 13).
 - 1) Kikulu nyo okwambala eby'okulwanyisa byonna.
 - 2) Eyo nkola ekola. Eby'okulwanyisa birina OKWAMBALIBWA (oluny.11)n'OKUTWALIBWA (oluny.13).
 - c. Tulina okwetegereza essira eriteekeddwa ku kukwaatagana okuliwo wakati w'eby'okulwanyisa n'okuba NTI TUSOBOLA (oluny. 11, 13). Obukuumi buva mu busobozi bw'okubeera omulwany'i omuwanguzi.
 - d. Tulina okwetegereza ekigambo eky'okuzimba ekiddidwamu OKUYIMIRIRA eri enkwe za Sitani (oluny. 11, 13, 14). Eno y'enkola y'obukuumi. Si kuwanika. Kwe kuziyiza era obutanyenzezebwa olw'okukola kw'omulabe. Abakristaayo balina okuba abavumu mu kwetaasa. Tebalina kutiisibwatiisibwa (Baf 1:27, 28).
 - e. Ekigambo kyo "okumegana" mu luny.12 kiva mu kigambo ky'oluyonani ekitasangibwa mu kifo kirala kyonna mu Ndagaano Empya. Ky'ekigambo ekiraga enwana y'ekika kya mukono ku mukono (nga bwekiri mu bigwo).

OLUTALO LW'OMWOYO

Eky'okulabirako Ky'omuwandiisi:

Entalo z'omulembe guno (ezikozesa amagezi g'ekikugu) zibeera ntalo za kulengerera na kukubira wala. Abaserikale abamu tebalaba na bebatta. Banyiga bunyizi pesa lya kompyuta eritu ma ekikompola okuzikiriza omulabe. Engeri y'olutalo eno "enyangu" eyinza okuleetera obutategeera lutalo lwamwoyo.

Song'ate olutalo olw'omwoyo telulinga ntalo za magezi ga bukugu ez'omulembe guno. Olutalo olwomwoyo lufanana okumegana ng'okwekigwo (nkuba nkukube). Mulimu gwa maanyi. Lwa ddala era weluri. Entalo z'omulembe guno zijirawo ddala okutegeera amazima g'olutalo olw'omwoyo.

Eky'omukisa omubi, abalwany Abakristaayo abamu bagezaako okulwana olutalo olw'omwoyo ng'abalwana olutalo lw'omulembe guno. Baagala kuwulira nga balina emirembe mingi mu lutalo. Tebagala kutuuyana. Tebagala ngeri eno ey'okulumba omulabe maaso ku maaso. Baagala kuba nga olutalo baluwulirira wala nga banyiga bunyizi mapeesa buli kiseera kyonna. Song'ate, omulwany Omukritaayo alina okuba nga afaayo okulwana olutalo buli lunaku era n'okugendera ddala awali olutalo. Lutalo ddala weruli.

Eby'okuwandiika —

Sa Muno Eky'okulabirako Kyo:

OLUTALO LW'OMWOYO

Eby'okuwandiika —

f. Tuyinza okukiraba nti ekiragiyo ky'okusaba mu luny. 18 kikwaataganira ddala n'okwambala eby'okulwanyisa. Kirabika nti Paulo agamba nti eby'okulwanyisa byambalwa kuyita mu kusaba.

1) Oyambala otya sepeewo ey'obulokozi? Okwaata otya engabo y'okukkiriza?

2) Ekitundu ekyokuddamu ekisinga obunene kirabika okubeera N'OKUSABA KWONNA.

C. Eby'okulwanyisa Ebikozesebwa Okulumba mu Lutalo lw'Omwoyo.

1. Ekigambo kya Katonda.

a. Sitani mulimba (Yok 8:44) agezaako okuloopa Abakristaayo (Kub 12:10).

1) Omulwanyi Omukristaayo alina okukyuusa obulimba bw'oyo aloopa ng'ateekawo amazima nti kaakati omusango gwamujjibwako (Bar 8:1).

2) Amazima ga Katonda galina okukozesebwa nga eky'okulwanyisa okulumba Sitani.

b. Tuyinza okugamba nti omulwanyi Omukristaayo azimba etterekero ly'eby'okulwanyisa bye ng'akozesa ekigambo kya Katonda era nakuba eby'okulwanyisa bye nga alangirira ekigambo ekyo mukukkiriza okwo.

c. Ebiddirira wansi ge mazima ga baibuli ageyongera okututegeeza nti omulwanyi Omukristaayo ayinza okugayimirirako nalumba omulabe:

1) Obuwanguzi bwa Yesu buwa abakiriza omusingi ogwa maanyi okuyimirirako era gukakasa obuwanguzi bwaffe (Mat 4:1-11; Bar 5:12-19).

2) Yesu yajja okuzikiriza emirimu gya Sitani (1 Yok 3:8; Bak 2:15; Beb 2:14,15).

3) Obuwanguzi buleete bwa era ne buweebwa abakiriza (Bef 1:19-23; 2:4-6; Beb 1:13; 1 Peet 3:22).

4) Abakiriza bawereddwa eddembe okuva mu maanyi ga Sitani okuyita mu bulokozi (Bik 26:18; Luk 10:17; 2 Kol 4:4; Bef 2:1-3; Bak 1:13).

5) Eddembe lino lyeyongera okubaawo lwa kugondera Katonda (Yak 4:7; 1 Peet 5:8), nga Sitani tomuwa banga (Bef 4:27), era n'okwambala eby'okulwanyisa by'omulwanyi (Bef 6:10-18).

OLUTALO LW'OMWOYO

d. Ekigambo kya Katonda kiramuna era kya maanyi.

Eby'okuwandiika —

- 1) Ekigambo kya Katonda bwe kibulirwa mu maanyi ag'Omwoyo Omutukuvu, kileetera omulabe mu buli ngeri okweyoleka nekiraga enkola za Sitani (laba Bef 5:6-14).
 - a) Nolwekyo Ekigambo kirina okubeera munda mu mulwany Omukristaayo.
 - b) Kirina okutekebwa mu bulamus, okuyigibwa, awamu n'okukifumitirizamu. Kino kyetaagibwa nnyo olw'okuwangula mu lutalo lw'omwoyo. Tulina okukigenderera nti Ekigambo kya Katonda Yesu kye yakwaata mu Ye kyeyakozesa nga eky'okulwanyisa Kye mu ddungu (laba Mat 4:4, 7, 10).
- 2) Buli kiseera omulwany Omukristaayo lwakozesa ekigambo kya Katonda nga eky'okulwanyisa kye, abeera yenyweza era ng'anyweza n'ekifo kye mwaali.
- 3) Genderera Yesu bwagenda akola Ye yenyini mu kweteeka mu kifo ekya maanyi okusinga Sitani.
 - a) Ekisooka, (Mat 4:4) Yesu yayogera bwogezi Kigambo kya Katonda KYAWANDIIKIBWA....
 - b) Eky'okubiri, (Mat 4:7) Yesu teyakkiriziganya na Sitani era nayogera Ekigambo kya Katonda: KULUUYIOLULALA, KYAWANDIIKIBWA....
 - c) Eky'okusatu, (Mat 4:10) Yesu yalumba Sitani era nayogera Ekigambo kya Katonda: GENDA, SITANI! KUBANGA KYAWANDIIKIBWA....
 - (1) Yesu yava mu kwogera, nadda mu butakkiriziganya n'okulangirira, nadda ate mu kulumba n'okwogera.
 - (2) Buli lwoyogera Ekigambo kya Katonda oba onyweza ekifo kya Yesu mu lutalo.
 - (3) Buli kuwangula kutufuula aba maanyi okugenda mu lutalo oluudirira.

OLUTALO LW'OMWOYO

Eby'okuwandiika —

- 2. Obuyinza bw'omukkiriza.
 - a. Nga bwetalabye, Sitani gyeyakoma okulumba ennyo, Yesu gyeyakomya okulaga obuyinza Bwe. Ku nkomerero Yesu yalagira n'obuyinza bweyagamba nti GENDA SITANI!
 - 1) Okuyita mu Yesu, omulwanyi Omukristaayo alina obuyinza ku kigambo kino kyennyini eky'okulagira n'obuyinza.
 - 2) Abakkiriza ennaku zino betaaga okwenyigira mu buweereza bw'okusumululwa (okugoba emizimu).
 - 3) Ensonga zino esatu eziddako ziyinza okukozesebwa okulaga nti obuweereza bw'okusumululwa bukyaliwo na kati :
 - a) Eky'okulabirako kya Yesu. Kiyinza okulagibwa nga okussukka 1/4 eky'obuweereza Bwe mwalimu kusumululwa.
 - b) Abakkiriza Yesu yabalagira era n'abatuma okuwonyanga (laba Mat 10:1, 8; Luk 10:17-20; Mak 16:17).
 - c) Eky'okulabirako ky'abayigirizwa ba Yesu. Abayigirizwa be benyigira mu buweereza buno (laba Bik 8:6, 7; 16:16-18).
 - 4) Eky'enkomerero, lowooza ku biri mu Yok 14:12 ebikwaata ku buweereza bw'omulembe guno olw'obuweereza bw'okusumululwa.
 - b. Soma Mat 17:14-21.
 - 1) Awatali kukkiriza tekisoboka kutegeera buyinza bwo.
 - 2) Okukkiriza n'obuyinza bikolera wamu.
 - c. Kubanga tulina obuyinza tulina okuba nga tulumba (Abalwanyi abalumbi).
 - 1) Sitani ayinza okugezaako okututawaanya.
 - 2) Ate era ayinza okugezaako okutufuula abamatidde ekimala tuleme kuba ngatumutawaanya.
 - 3) Tulina okukkiriza Katonda olw'obuyinza bwaffe n'okweyongera mu maaso n'omulimu ogw'okulumba ebigo ebya maanyi eby'ekizikiza.

OLUTALO LW'OMWOYO

Omuwandiisi Kyakyogerako:

Abakristaayo bayinza okwelariikirira bagezaako okukolera Katonda emirimu Gye. Song'ate, tubeera bagayaavu bwetusuubira Katonda okukola emirimu gyaffe.

Omulimu gw'okulumba omulabe, mulimu gwa mulwanyi Omukristaayo. Tulina okukozesa obuyinza Katonda bwatuwadde.

Eby'okuwandiika —

- d. Obuweereza obw'okuwonya n'Omwoyo Omutukuvu (Bik 4:31).
 - 1) Okujjula Omwoyo kikwaatanira ddala buterevu n'obuyinza bw'omukkiriza.
 - 2) Gyetukoma okujjula Omwoyo, gyetunakoma okulaba obuyinza mu buweereza bwaffe.
3. Erinnya lya Yesu (laba Bak 3:17).
 - a. Omugaso gw'erinnya lya Yesu tegwesigamye ku bufuusa. Obuyinza libeera nabwo bweriba nti lyogeddwa alikiikirira owa mazima (laba Bik 19:13-16).
 - 1) Ekitebe ky'eggwanga lyonna tekiwuliriza muntu eyefuula kyatali.
 - 2) Kigondera omubaka owa mazima nga bwekyandigondedde omuntu (eggwanga) omubaka gwakiikirira.
 - b. Okusabira mu linnya lya Yesu buyinza Katonda bweyawa omukkiriza (laba Yok 14:13; 16:24).
 - c. Okusaba mu linnya lya Yesu, kwe kulaga ebyo byonna Yesu byaali. Ate era, tulina okulaga ekyo kyonna Yesu kyaali bwetwolekera obubi. Nekiba nti, erinnya lya Yesu si kwogera bigambo bya bufuusa. Lukiikirira Muntu.

OLUTALO LW'OMWOYO

Eby'okuwandiika —

D. Okumaliriza Ebirowoozo Ebikwaata ku By'okulwanyisa Eby'omwoyo.

- 1. Eby'okulwanyisa n'ebyambalo by'omulwanyi Omukristaayo si bibye ku bubwe. Bya Katonda!
 - a. Bwayambala obutuukirivu, buba butuukirivu bwa Katonda.
 - b. Bwakozeza Ekigambo, kibeera Kigambo kya Katonda.
- 2. Mu kiseera kyekimu, era ye ye mulwanyi. Alina okufuluma nalwana. Ekiragirowe kiweebwa, asuubirwa okuba omuwulize, omwesigwa era owa mazima.
- 3. Omulwanyi Omukristaayo abaawo lwa kukkiriza. Engabo y'okukkiriza gyatwaala mu lutalo.
 - a. Abalwanyi Abaruumi batwalanga engabo ezababikanga okuva ku mutwe okutuusa ku bigere. Song'ate teyabikanga migongo gyabwe. Tewayinza kubaawo babivaamu. Okukkiriza tekudda mabega.
 - b. Okukkiriza kutunula mumaaso (Ibaba Bebi 11:1).
- 4. Yesu ky'ekisumuluzo ky'okubeera n'obulamu obw'omulwanyi w'entalo ez'omwoyo.
 - a. Kigambiddwanti engeri esinga obulungi ey'okugobera Sitani ebweeru w'obulamu bwo, kwe kuba nga okuumira Yesu mu bulamu bwo.
 - b. Ababiri tebatabagana. Toyinza kuweereza baami babiri. Oyo gwogendera yajja okuba mukama wo.

IV. Abaminsani Byebayitamu mu Lutalo Lw'Omwoyo.

Omuwandiisi Kyakyogerako:

Tumaliriza essomo nga twogera ku byaliwo ebituufu abaminsani bye baayitamu nga bali mu lutalo olw'omwoyo. Enono nyingi eziweebwa n'ebikwaata ku muntu olw'okuyamba omulwanyi Omukristaayo eyenyigira mu lutalo olw'omwoyo.

OLUTALO LW'OMWOYO

A. Ebyayogerwa n'Enono z'Olutalo Olw'omwoyo.

1. Omuminsani omu agamba nti kirabika kyangu nyo okuba n'okukkiriza "olw'entalo enene" okusinga bwekiri ku ntalo "entono".
 - a. Ekizibu kino ekisangibwa wonna kiraga obwetaavu bw'okunywezebwa n'okunyiikira mu lutalo olw'omwoyo. Kirala okubeera nga okozesebwa okulwana mu ntalo enene ezitatera kubaawo. Ate kirala okubeera nga okozesebwa okulwana mu butalo obutono obubaawo bulijjo.
 - b. Ensonga y'ekizibu kino eri nti entalo gyezikoma okuba enene bulijjo ziraga nti bwetutasobola ffe kweyamba. Tetulina kyakola wabula okwesiga Katonda. Tetulina kyakola wabula okutambulira mu kukkiriza. Entalo enyangu zitera okuwangulwa okuyita mu busobozi bwaffe. Tutandiika okwesiga obulamu bwaffe. Okukkiriza kwaffe ne kukugirwa.

Eky'okulabirako Ky'omuwandisi:

Waliwo omusajja eyagenda nayita ku biyiriro bya Niagara (ebiyiriro ebisinga obunene mu Mambuka ga America) ng'ali ku kintu ekyefananyirizako eryato (nga kye kulungirivu). Teyafuna wadde akanuubule konna. Akaseera katono nga kino kimaze okubaawo, yali atambula ng'aserengeta oluguudo naseerera ku kikuta ky'omukyungwa. Ne bamuddusa mangu mu dwaaliro ng'okugulu kumenyese.

Sa Muno Eky'okulabirako Kyo:

- c. Oluusi Abakristaayo abalwanyi bawangulwa mu buntu obutono ennyo song'ate bawanguzi mu ntalo eza maanyi.
- d. Tulina okubeera abanyiiwera era abanywevu mu kulwana kwaffe. Tulina okukitegeera nti tetuyinza kweyamba awatali Katonda ne bwekiba nti tuli wakati mu ntalo ezirabika ng'entono.

Eby'okuwandika —

OLUTALO LW'OMWOYO

Eby'okuwandiika —

2. Omuminsani omulala yayogera nga bweyamala emyezi egiwera ng'asabira omuntu okuba ng'asumululwa okuva mu "mwoyo gw'okwaaka." Yamala ebiseera bingi nga aboggolera omuzimu era ng'agugoba. Ekiro kimu Omwoyo natandika okumulaga nti Sitani si ye yali ensibuko y'ekizibu. Ensibuko y'ekizibu gwaali mubiri gwa muntu oyo yenyini. Tewaliwo muzimu gwa kugoba mu nsonga eyo. Waliwo obwetaavu bw'okufiisa omubiri gwe.
- a. Yayogera n'omuntu gwe yali aweereza kwekyo kyatuseeko. Omusajja nakkiriza ddala nti tegwaali muzimu nti naye gwaali mubiri gwe ye. Omuminsani bweyamubuuza nti lwaki teyakimugambirawo omusajja namuddamu nti: "Kubanga nali nsuubira nti oyinza okugobawo omubiri!"
- b. Wano tulina okulowooza ku mugaso gw'okwawula emyoyo mu lutalo olw'omwoyo. Toyinza kukomerera mizimu a'era toyinza kugoba mubiri.

Eky'okulabirako Ky'omuwandisi:

Olugero luno oluyiye oluddako lugatta ku lugero lw'omuminsani:

Sitani yagenda eri Katonda ne yemulugunya nti yali ali awo nga talina kyakola. Nagamba nti yali talina mulimu gwakola era nti yali ayagala Katonda amuweeyo eky'okukola. Katonda naba nga takitegeera. Nagamba Sitani nti yafuna dda omulimu ogw'okumuwa nga gwa kutwaala bantu mu kwonoona. Katonda namugamba nti alina kwongera kugezaako nnyo. Sitani naddamu namugamba nti si kyangu bwekityo. Yakomekkereza okwemulugunya kwe nga agamba Katonda nti aba tanaba kufuna mukisa gwakwogera kigambo kyonna eri omuntu yenna, omuntu oyo nga yayonoonye dda! Nagamba nti awulira talina mugaso.

Emirundi egimu Sitani tumuwaana nnyo. Bulijjo, omubiri gwaffe gwetuba tulina okulwanagana nagwo.

Sa Muno Eky'okulabirako Kyo:

OLUTALO LW'OMWOYO

C. Enono z'Ebyokola.

Eby'okuwandiika —

1. Amazima ga bamalaika.
 - a. Omuminsani omu yayogera ku lweyali mu Masekati ga Africa ekiseera ekimu mu ntandiikwa y'okukyuuka kw'ebintu. Walingawo okubwatuka kwa masasi nga gasindogoma okumwetolola. Abantu baali battibwa. Nasaba Katonda okumulaga ekintu ekinaaba akabonero ak'obukuumi Bwe. Ekiro ekyo nagolokoka nalaba bamalaika babiri nga batudde ku meeza ye. Katonda nayogera naye nti baali awo okumukuumu.
 - b. Omuminsani omulala yayogera engeri abajaasi gyebajja n'ebiso okumutta mu mulembe gwa Idi Amin mu Uganda. Bayingira mu nyumba ye ne bamusindikira mu kasonda. Omu ku bajaasi nawanika ekiso kye okukifumita omuminsani ono mu mutwe. Mu kiseera ekyo omuminsani nalaba malaika ng'akyuusa omukono gw'omujaasi, ekyaleetera oludda lw'ekiso olutasala okukoona omutwe gwe. Yagwa wansi naye teyattibwa. Abajaasi ne baduuka mu nyumba kubanga balowooza nti afudde. Katonda yakozesa malaika okumulokola.
2. Amannya g'emizimu.
 - a. Omuminsani yali abuulira mu kkanisa omusajja nayimirira ku bigere bye natandika okuwuuba emikono n'amaanyi mangi. Omuminsani natandika okusaba. Amangu ago nafuna ekigambo okuva eri Omwoyo nti ogwo mwoyo mubi gwa kulwana. Nabogolera mangu omwoyo gw'okulwana omusajja nakkakkana. Nga wayise akaseera omusajja natandika okumwenya. N'agwa omuminsani mu kifuba namwebaza "okumugobamu ekintu ekyo."
3. Okukozesa Ebyawandiikibwa.
 - a. Omuminsani omu yagamba nti yamala ekiro kyonna ng'alwana okugoba omuzimu. Ku nkomerero Abakristaayo nebakungaana okwetolola omuntu eyali anyigirizibwa era nebatandika okusinza Katonda n'enyimba ez'ebyawandiikibwa. Omuminsani natandika okusoma ebyawandiikibwa ebikwaata ku musayi gwa Yesu n'obuwanguzi bwe eri Sitani. Omuzimu ne gukaaba ne gumuvaamu.
 - b. Waliyo engero nyingi endala ez'ebyabaawo eziyinza okwogerwako wano. Ekigendererwa ky'ekitundu kino, kibadde kwogera ku byaliwo ebimu ebiyinza okuleetawo engeri z'enjawulo ez'okwogerako mu kibiina.